



Pou Piblikasyon Imedya: 21/12/2021

GOUVÈNÈ KATHY HOCHUL

GOUVÈNÈ HOCHUL SIYEN PAKE LEJISLASYON POU SIPÒTE MOUN KI ANDIKAPE YO

Lejislasyon (S.1035-A/A.4685) pèmèt moun ki andikape yo gen yon moun ki pou bay yo sipò esansyèl pandan tout tan yo entène lopital la

Lejislasyon (S.6293/A.7358) chanje ki moun ki nonmen manm yo nan Konsèy Konsiltatif pou andikap devlopmantal la evalye repons Eta fas ak eta dijans pou Katastwòf COVID-19 pou moun ki andikape yo

Lejislasyon (S.6294-A/A.7381) Egzije Konsèy Konsiltatif pou Andikap Devlopmantal la evalye repons Eta fas ak eta dijans pou Katastwòf COVID-19 pou moun ki gen andikap entelektyèl oswa devlopmantal yo. Lejislasyon S.6276/A.7223 egzije Prezidan Komisyon Sèvis Sivil la fè yon etid sou travay moun ak veteran andikape yo

Jodi a Gouvènè Kathy Hochul te siyen yon pake lejislasyon pou sipòte moun ki andikape yo nan New York. Lejislasyon S.1035-A/A.4685 pèmèt moun ki gen andikap gen yon moun ki bay sipò esansyèl akonpaye yo pandan yo entène lopital. Lejislasyon S.6293/A.7358 chanje ki moun ki nonmen manm yo nan konsèy konsiltatif pou andikap devlopmantal la. Lejislasyon (S.6294-A/A.7381) Egzije Konsèy Konsiltatif pou Andikap Devlopmantal la evalye repons Eta New York fas ak Eta dijans pou Katastwòf COVID-19 pou moun ki gen andikap entelektyèl oswa devlopmantal yo. Lejislasyon S.6276/A.7223 egzije Prezidan Komisyon Sèvis Sivil la fè yon etid sou travay moun ak veteran andikape yo pa eta.

"Moun ki andikape yo se yon pati enpòtan nan fanmi New York nou an epi yo merite pou yo trete yo ak diyite ak respè" **Gouvènè Hochul te deklare.** "Pwojè lwa m ap siyen an lwa jodi a pral asire moun ki andikape yo jwenn sipò nswen sante, travay ak odela. Nan travay ansanm, nou pral asire ke rekiperasyon nou an apre pandemi an gen ladan chak Nouyòkè."

Lejislasyon S.1035-A/A.4685 pwoteje dwa yon moun ki andikape pou genyen yon moun ki bay sipò esansyèl ki akonpaye yo pandan tout tan yo entène lopital la. Lwa a defini tèm andikap la kòm yon moun ki gen nenpòt kondisyon oswa maladi ki fè li difisil pou yo kominike yon kondisyon medikal oswa kèk oswa bezwen chak jou yo, ki gen ladan men pa limite a otis oswa paralizi serebral. Moun ki bay sipò a defini kòm yon

moun ki souvan akonpaye ak ede moun ki andikape a. Lwa sa a asire ke yon lopital pa ka etabli okenn règ oswa règleman nan yon repons ak yon pandemi oswa eta dijans pou katastwòf ki te deklare pa gouvènè a, pou entèdi yon pasyan ki soufri ak yon andikap gen yon moun pou sipò esansyèl ki prezan pandan tout tan li entène lopital la. Moun ki andikape a gen dwa deziyen yon sèl moun pou bay sipò pou ede ak bezwen medikal ak bezwen chak jou li, epi moun pou bay sipò esansyèl sa a dwe limite sèlman a paran, mari oswa madanm oswa moun k ap okipe pasyan an.

Senatè Eta Joseph Addabbo Jr. te deklare, "Lwa sa a, ke yo rekonèt kòm Lwa Fred (Fred's Law), se yon gwo pa annavan nan pwoteje sitwayen nou yo ki gen andikap si yo bezwen antre nan yon lopital lè li pèmèt yon moun ki bay sipò esansyèl akonpaye yo pandan dire sejou yo a. Fanmi D'Amico te goumen anpil pou asire ke okenn lòt fanmi pa sibi doulè yo te santi lè yo te pèdi Fred paske yo pa te pèmèt pèsonn rete avè I lè li te antre nan lopital la an 2020. Mwen vle remèsyé Gouvènè Hochul dèské li siyen pati lejislasyon sinifikatif sa an lwa".

Manm Asamble Stacey Pheffer Amato, te deklare, "Yo dwe tande moun ki andikape yo ak fanmi yo nan Eta New York epi pwojè lwa sa a akonpli sa. Lwa Fred la se yon gwo viktwa pou moun ki andikape yo ak fanmi yo ki gen difikilte pou yo resevwa swen medikal apwopriye. Lejislasyon sa a pral asire fanmi ki gen moun ki nan pozisyon Fred yo p'ap janm pase sa yo te pase a, epi ke tout moun gen yon vwa nan pwòp swen sante yo. Mwen vle remèsyé Gouvènè Hochul paske li siyen lejislasyon enpòtan sa a, ak Senatè Addabbo pou patenarya li nan Sena Eta a."

Lejislasyon S.6293/A.7358 chanje ki moun ki nonmen manm yo nan konsèy konsiltatif pou andikap devlopmantal la pou enkli nominasyon lejislatif yo. Nominasyon yo genyen uit manm ki nonmen pa prezidan tanporè sena a, uit manm nonmen pa prezidan asanble a, yon manm ki nonmen pa lidè minorite sena a, yon manm nonmen pa lidè minorite asanble a, ak kenz manm ki nonmen pa gouvènè a.

Lejislasyon S.6294-A/A.7381 egzije pou konsèy konsiltatif pou andikap devlòpmantal la evalye ak pwodui yon rapò sou repons eta a fas ak eta dijans pou katastwòf COVID-19 la jan li gen rapò ak moun ki gen andikap entelektyèl oswa devlòpmantal ak asistans ki soti nan Biwo pou Moun Ki Gen Andikap Devlòpmantal (Office for People with Developmental Disabilities, OPWDD) ak Depatman Sante (Department of Health, DOH) a. OPWDD pral fè yon revizyon ak envestigasyon apwofondi epi pwodui yon rapò sou repons yo ak pandemi COVID-19 la.

Lejislasyon S.6276-A/A.7223 mande pou prezidan komisyon sèvis sivil la fè yon etid sou travay moun ak veteran andikape yo pa eta epi fè rekòmandasyon pou konnen si eta bezwen anboche plis moun ak veteran ki gen andikap pou ranpli pozisyon ki kreye pa seksyon nan lwa sèvis sivil la. Prezidan ap fè rekòmandasyon tou sou fason pou fè kontak ak moun sa yo sou opòtinite travay apwopriye.

Senatè Eta a, John W. Mannion, te deklare, "Lè li siyen pwojè lwa sa yo, Gouvènè Hochul ap siyale sipò solid li pou Nouyòkè yo ki gen yon andikap devlopmantal oswa entelektyèl. Antanke Prezidan Komite Andikap la, mwen te prezante pwojè lwa sa yo

pou ogmante transparans epi asire ke moun ki gen andikap yo ka mennen yon lavi ki ranpli ak satisfaksyon ak anpil opòtinite travay. Mwen pa ka tann pou mwen kontinye fè patenarya ak gouvènè a pou abòde anpil pwoblèm grav epi ki dire lontan ki afekte kominote sa a, tankou kriz mendèv la, finansman pwogram edikasyon espesyal yo, ak prezève sèvis CDPAP ki baze nan kominote yo."

Manm Asanble Thomas J. Abinanti te deklare, "Gouvènè Hochul te pran bon mezi lè I te siyen lejislasyon pou egzije yon revizyon apwofondi nan kad repons eta a fas ak pandemi an parapò ak moun ki gen andikap entelektyèl oswa devlopmantal yo. Moun ki gen andikap sa yo trè vilnerab akòz kondisyon kwonik ak paske yo ap viv nan anviwònman kolektif. Revizyon an ka bay konsèy sou pi bon fason pou pwoteje pi vilnerab nou yo kont maladi enfektez yo. Mwen bat bravo tou pou lejislasyon Gouvènè Hochul siyen pou mete moun ki nonmen pa lejislatè yo nan konsèy konsiltatif pou andikap devlopmantal la. Akseptasyon li nan lejislasyon sa a siyale rekonesans li nan bon wòl lejislati a ak volonte li pou kreye patenarya ak lejislati a pou fasone politik OPWDD a."

Manm Asanble Harvey Epstein te deklare, "Anviwon yon milyon Nouyòkè ki gen laj pou travay ap viv ak yon andikap. Sèlman 33 poustan nan Nouyòkè sa yo k ap travay, dapre analiz Kontwolè Eta a. Pou abòde disparite sa a, nou bezwen done pou pi byen konprann ki jan nou antanke gouvènman kapab sipòte Nouyòkè sa yo pi byen. Mwen fyè dèské mwen te travay ak Senatè Mannion pou adopte lejislasyon enpòtan sa a ki pral eklere fason pwogram 55-b ak 55-c yo ap sèvi moun ki gen andikap yo, ak sa ki ka fêt pou asire ke New York se yon lidè k ap anplwaye moun andikape yo. Mwen remèsyé Gouvènè Hochul paske li siyen lwa sa a epi mwen espere travay avèk li pou ogmante kantite moun ki andikape nan mendèv piblik ak prive a."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)